

養默山房詩藁

養默山房詩藁卷三

松滋 謝元淮 默卿

矮吟集

己巳

望湖草堂

圃中隙地築茅屋一閒讀書其中負山面
坪楊青湖水潏灩三四里外如在几案閒
也漫賦此詩

誅茅傍山麓遙與湖光親朝煙散平楚初日生湖濱
市遠魚蝦賤地偏風俗淳但取堪容膝吾以安吾貧

舟行口號

黃州江中

一片孤帆觸浪開
飛濤如雪吼奔雷
推窗怕見風波險
忘卻身經險處來

晚泊花楊鎮

遠浦燈光颭春宵
客思閒花香疑隔水
夜氣欲無山帆飽
風逾健江深浪更頑
艤舟看月上愁煞一
鉤彎

花朝泊荻港

蕪湖

愛此花朝節來登荻港
山浪高鷗自穩林密鳥知還
落日紅千嶂垂楊綠一灣
漫遊過楚尾煙水無時閒
連日夢歸書以自遣

月黑江水深歸途一何速未覺舟車勞俄已在茅屋
舊攤案上書新種窗前竹把卷數琅玕我喜忘僕僕
何處一聲鐘使我仍幽獨離家甫四旬歸夢已三宿
行當化蝴蝶栩栩相追逐

闔閭墓

闔閭墓上氣如虹千莫三千葬此中生既知兵成霸
業死猶好劍亦英雄常疑虎踞非秦迹見說魚腸入
楚宮只有精靈銷未盡一池春水似青銅

五人墓

凶焰逆白日鼎鑊待賢良五人懷義憤慷慨激剛腸

一擊禪關魄忠臣氣爲揚埋身近虎阜山水增輝光
余亦慕忠義弔古心感傷不拜要離冢過此獨徬徨
短簿祠
簫鼓喧闐短簿祠當年幕府最堪思桓公畢竟非英
物喜怒由人不自知

花神廟

畱春不住聽春歸柳暗蘇隄綠漸肥我向花神無別
祝落紅莫近美人飛

千人石

花雨壇場合小畱千人石上共遨遊人真有恨應成

佛石若無情莫點頭

白公祠

元白才名各擅長兩人佳話徧蘇杭微之枉說蘇州勝未得蘇州一瓣香

小遊仙

昨宵有夢到鈞天小謫塵寰近卅年愛說長生畱夙慧輕拋短褐豈前緣千言易下休搖筆萬里空歸艸著鞭何事匡山蓮社裏不教謝客學逃禪

頭銜如許漫咨嗟又向槐陰學坐衙徑欲登雲難覓路可堪隨地便爲家算來勾漏還畱藥不到河陽也

種花竹杖芒鞋須早辦神仙亦自惜年華

曾記星槎夜渡河河邊游女比春多但堅後約緣還
淺各話前因事已訛一棒喝醒千載夢雙鬟唱徹百
年歌從今識得長生訣不懣情魔懣睡魔

欲倩麻姑訪蔡經珍珠如諾解通靈深慙病骨非仙
骨錯認飛星作使星半世逢迎償俗債幾人修煉駐
芳齡卻因一箇南昌尉使我黃梁夢早醒

到得身輕夢亦除繁華脫盡俗塵疏朝眞只好騎蝴
蝶避劫應須化蠹魚天上定能容酒侶人間何事購
方書一輪明月一聲鶴未許煙雲累太虛

本來蓬島淨無塵
巧得花間自在身
論劍偶然逢處女
成仙原不定
高人只烹白石供朝饌
多鍊黃金救世貧
苦海茫茫何日了
安排寶筏渡迷津

立秋日述懷

西風隕黃葉
秋氣令人悲
飲酒不成醉
悵然有所思
伊昔歲壬戌
吾年十九時
讀書雖未竟
志趣頗能奇
稱揚必先哲
談笑少所宜
自謂將遠到
無憂世難知
一朝辭鄉國
千里赴京師
策馬過燕趙
朱郭相追隨
屢下陳蕃榻
還陪謝傅棋
有時攜樽酒
獨醉東家籬
有時蠟雙屐
遠度西山陲
乘風懷宗慤
論劍薄要難

養鶴偕支遁弄笛邀桓伊意氣凌八荒功名決不疑
豈知書屢上空悲路兩歧金盡顏色減悠悠歲序移
當裘方衣葛欲飯更無糜扣門尋知交相見各吁歔
但道君困矣而我亦苦飢長嘆復歸去空囊羞再窺
初驚襟見肘漸訝粟生肌在昔同遊人於今來者誰
一笑拋長鋏安用事毛錐丈夫不稱意相許徒相欺
苟欲營升斗那復計尊卑驅車來江南遠到天一涯
頭銜雖自愧手版學人持涸鮒求簪井寒蟬抱病枝
恰能忘拘束山水足清怡走馬長洲苑弔古吳王臺
引眺靈巖顚濯足胥江湄或泛青雀舫簫管逐雲飛

或登翡翠樓歌舞春風隕遊覽雖快意肝膽向誰披
去年遠行役慷慨仗尺箠牂牁在炎嶠道里嗟嶮崎
深山愁月黑夾路蹲熊羆瘴雨暗天末對面驚虹霓
宵征方暫住已問夜何其亦知懷逸樂畏此簡書催
行盡且蘭境高城起崔嵬徒御歡相慶始得停征騑
兼旬息勞足整駕復東回驛途經陸廣扁舟下五溪
巨灘簇亂石小舸如葉危一篙不得所下與魚蝦依
歸帆過澧沅前渡次松滋去家纔百里還家趁朝曦
阿耶喜我歸問我來何遲阿母憐我瘦道我面目黧
呼婦爲我酌呼嫂爲我炊我弟勞我瘁我妹就我嬉

我亦忘行役喜極翻如癡是時方仲秋戶外發清風
新釀報初熟一飲傾數卮日夕過鄉鄰醉飽隨嘲譏
亡何歲云暮東風吹柳絲征夫難久留愁聽慈烏啼
正月過漢口江水正流澌二月還吳門三月來今茲
命作蘭陵尉矮屋頭常低詩哦溧水孟吏隱南昌梅
拙諛屢遭謗護懶時多非昔如軼駕馬騰驤不可羈
今如經霜葉憔悴日就萎今昔一何異盛衰理難齊
薄俸難爲養及瓜有定期趁此秋風興早賦歸去詞
耕田傍山麓引水入園池結茅繞松塢種花分菜畦
秋山看紅葉春樹聽黃鸝安排漁釣船收拾讀書帷

若不經營早窮老將焉歸吾年未三十已覺百憂羅
寸陰勤自惜年光不我遺區區競聲利咄咄徒爾爲

中秋日偕胡潤峯

廷琛

遊艤舟亭

秋半佳遊酒半醒迴舟同上艤舟亭高臺地占蘭陵
勝小苑花多桂樹聲爽氣漸催零露白寒雲不放遠
山青宵來此處邀明月應有霓裳曲共聽

打冰詞

朔風料峭飛廉怒水底不容河伯住凍合千丈青琉
璃銀潢一道堅堪渡東岸西岸聲嘈嘈大船小船攢
城濠蓬背無煙櫓聲死雪片如翼旋天高金陵巨艦

前日至欲速行舟厭車騎府帖夜下催打冰一時忙
煞津頭吏敝裘風過冷侵腹褰裳出手生寒栗揮椎
列艇鑿冲冲敲碎玻璃飛羣玉終朝打冰冰彌堅終
日牽船船不前役夫相促無相憐督責不許稍遷延
所鑿非無十丈寬爲我婉言謝長官乘輿固遜乘船
安有衣須念無衣寒不然長官請少駐陷冰往買焦
家丸洹陰能得幾時固行見赤日來雲端官不見楊
氏山董氏盤

庚午

卽事感懷二首

頓教心似水欲放鬢成絲投筆知何日揚帆及此時
草分歧路色花憶故園枝怪煞江南柳春風却倒吹
莫言歸去好歸去正堪憐遠客踰千里微官近一年
蘭陵原酒國小謝亦詩仙博得紅兒笑囊空買笑錢
受代歸省汪小潭布衣沅置酒餞別卽席賦

贈

舊友今成別新詩手自評笑歌傳醉態簫管雜離聲
欲住渾無計遲留亦有情茫茫雲共水何處是歸程
惠山竹枝詞

舟過曲亭近石橋一枝柔櫓兩人搖看山心比遊山

切預啓蓬窗望碧霄

紅橋北去是秦園芳榭臨池避俗喧無數山茶都映
水花花葉葉向風翻

一曲流泉徹底清錦鱗三尺見分明如何不肯爲龍
去可是春雷未發聲

第一名山第二泉玉蘭時節杏花天我慚陸羽能知
味試選新茶細細煎

偏是閒僧覺太忙清明兒女競燒香一錢功德非容
易佛在西方看下方

仙風吹雨下山來人在龍山禮佛回最是身高防失

足也須一步一徘徊

養默山房詩藁卷四

松滋 謝元淮 默卿

還山集

庚午

由生公講臺至白公祠花下小酌

生公臺下石崦岒白傅祠前日又斜
酒到半酣人欲倦紫藤閒煞一棚花

唐孝女畫蘭歌

有序

孝女名素家惠泉之側母早孀無子遂養
親不字工丹青以代紆織侍母二十餘年

死葬盡禮有司上其事

詔旌其門纂入無錫縣志今年七十有四依姊之子
以居予于役錫山有以畫蘭幅見遺具道
生平如此因歌以誌之

秋霜吹上女貞木鴛鳥飛過不敢宿春暉獨照萱草
花昏林日暮啼慈鴉慈鴉點點飛不去千聲萬聲繞
唐家唐家有女龍山住生小未識龍山路漆室常聞
倚柱吟緹縈獨解渟于怒弱女非男漫自傷盈盈膝
下漸成行木蘭無兄憐阿父雲英有姊嫁仙郎忽驚
天末颿風入寒雲黯淡孤風泣喬木摧殘怨蓼莪長

繩莫繫高春日慈母悽涼淚滿衣生男勿喜女何悲
但教女子成孝子未必男兒勝女兒殷勤博得慈顏
喜筆硯耕耘供菽水粉本初傳績月圖花箋不用薛
濤紙燕語鶯啼春復春芙蓉寂寞鏡生塵可憐白髮
承歡者卻賴紅閨詠絮人一朝露冷金萱謝萬古茫
茫悲永夜北邙寒食白楊風吹得儂心孤夢化夢煖
親幃二十年

丹書忽下

九重天全身奉母儂家事竟作人閒孝義傳暇日當
窗開絹素拈毫往往蠅成誤貞松慈竹滿目生不數

江南連枝樹楚畹由來冠衆芳空山流水斷人腸瓊
枝婀娜當風裊翠葉離披帶露香一榦一花得花意
一榦數花花轉媚半幅雲藍百朵花亦如人爭標
異自從香草歇南陔次第桃李春風吹獨有幽懷契
深谷素心不改還自開駒隙光陰容易老同時女伴
知多少七十年來幾變更凋零各已隨秋草茫茫人
海感風披鬚眉轉愧蛾眉多一片清光垂宇宙廣寒
終古仰姮娥梁溪故人飲我酒贈我斯卷驚未有醉
看生絹點染真其人與畫皆不朽惠山蒼翠惠泉清
縹緲林樹畫不成聞道春榮花滿樹叢蘭應繞北堂

生

夜發虎邱同吳醒蕉

友仁

至許墅

笙歌喧虎阜薄露淡夕烟我酣君亦醉同載木蘭船
相識今五載聯吟亦偶然明星忽當窗殘月猶在天
荒雞旣屢唱和歌方扣舷鄰舟愕相顧何處兩神仙
渡揚子抵廣陵

浪飛揚子渡帆指綠楊隈側帽簫聲近開窗塔影來
迷樓終古在舊夢十年回更過紅橋去清歌落酒杯

渡黃河

安東

立馬黃河百感生奔騰勢欲撼孤城果來天上何由

濁落向江南覺太橫但願安流循故道我拚大笑祝
長清龍門一曲纔千里莫放在瀾與海爭

安東縣

寂寞安東縣人烟百戶稠只餘千畝荻共作一城秋
樹色風霜古河聲日夜流似聞滄海外弱水露瀛洲

登海州城

山雲欲下海雲生併作秋陰散滿城千嶂獻奇三面
合一夫憑險萬人爭州民舊擅魚鹽利暴客虛沾任
俠名

俗以帶
刀爲勇

化導端望賢刺史須教買犢事深耕

白壁山

疊巘環空立，城中黛色饒。山雲時作雨，港水不通潮。
有地生珉玉，州產水晶無田種黍苗。田多荒廢登臨增感慨，風物日蕭條。

大石棚

巨石高累卵，橫出若飛樓。上可百人坐，下可十人休。
解襟踞石榻，得趣且少留。清風來澗阿，炎暑忽成秋。
我欲築茅屋，無地營糟邱。天然此石厂，幽棲復何求。
棚民滿山谷，常懷杞人憂。亂絲未就理，況可效其尤。
回望滄海遙，遙空淥連天。浮蓬萊有仙闕，乘槎犯洪流。

乞巧詞

瓜果空排乞巧筵天孫那得巧來傳銀河不解淺波
渡猶是殷勤倩鵲填

莫誤當窗織錦梭神仙能巧別離多世間不少癡兒
女良夜雙雙看渡河

大風夜渡揚子泊京口

天風吹江江倒飛一葉徑破驚濤圍夜昏不辨江遠
近但覺瓜洲燈火微一浪撲船頭一浪打船尾不信
金焦尙有山只疑天地都化水其時月黑水瀾空倉
卒那復知西東舵工捩舵如旋蓬勢欲走到馮夷宮
我令落帆向京口長年無語但搖手始信中流立足

難深慙彼岸回頭後俄看海上孤月明轉棹舟如片
葉輕揚帆直入京口去醺酒船頭慶再生如此風波
竟無恙驚定還來江上望漁人利魚膽偏壯公然打
槳犯飛浪

和裴月波布衣

炳奎

秋柳三首

可能如線更如眉搖落千枝復萬枝送客勞亭無折
處休官彭澤有歸時寒侵刁斗孤軍駐月冷關山怨
笛吹回首灞橋秋又老不堪重唱柳家詞

無端飄泊徧天涯雨過長隄一望斜奉使十年思魏
館行宮千古怨隋家何人誤種傷心樹對爾兼憐解

語花莫過永豐坊裏去小蠻別後盡棲鴉

手植金城忽十圍吾今往矣鎮依依

時子將歸楚

也知弱

絮爲萍久從此柔條見葉稀暫取一枝催馬去好畱
全樹待鶯歸獨殘幸復勞青眼有汁應成淚染衣

重登金山畱雲亭

萬古山浮玉斯亭我再登烟帆來葉葉塔勢湧層層
水供諸天佛風搖兩岸燈畱雲雲不住映月作峻嶒

遊焦山

昨日秋晴快登眺金山絕頂畱雲亭南北諸巒競奇
秀一峯獨讓焦山青我生素有水石癖望眼所及身

須經況值今朝風日好扁舟獨棹橫江津中川孤嶼
淩烟立順流十里波汙渟海門東去住不得巨石激
水聲如霆山僧導我入山去探奇選勝窮絕徑竹樹
蒼龍滿巖壁焦先隱處草猶馨我逐浮名公避世賢
愚出處難同倫周鼎漢鑪列左庶瘞鶴無冢空有銘
經聲穿雲鍾度水竹院深處門不扃一樽濁酒對殘
照流丹潑翠風泠泠勞蹤自嘆徧江海十年干謁猶
賤貧故園有山不歸去對此轉自悲沈淪人生百歲
只俄頃奔波何事常苦辛前有千古後萬古江山如
水人如萍偶然遊歷那足記快意聊復息吾形何處

秋風無秋雁銜杯一笑酬山靈歸舟直訴晚潮上遠
浦漁火浮星星艤舟浮玉起長嘯水底應有蛟龍聽

舟次對雨

絲雨濛濛客與孤嫩寒誰遣酒相驅詩多苦語緣愁
入路少良朋與雁俱醉尉那容吳市隱微官曾學府
中趨於今放艇浮湘去爲馬爲牛一任呼

早發金陵收風江陵鎖

秣陵朝發水如天落顰浮空墮眼前潮漲競看千艇
上風橫遽訝一帆偏急流見岸須回舵小港無波且
繫船滿地寒蘆秋雁杳何妨暫傍野鷗眠

銅陵江中望九華

好山如良朋一見心輒喜江行望九華神往烟霞裏
遠峯淡欲無近岫低可履罡風吹寒雲入江化成水
插天九朶蓮一一凌風起奇應陋終南秀亦壓女兒
嗟我勞舟楫去來風颿駛逐逐竟何得宜爲山靈鄙
楚南青山多蒼翠秋如洗飄泊不早歸低徊轉戀此
楓葉亂斜陽江流清且泚哀鴻抹山來飛入蘆洲尾
登大觀亭拜余忠宣墓

安慶西門外

危亭百尺俯江城日暮登臨感慨生萬里波濤搖水
國四山風雨變秋聲方張巨寇誠天假垂死孤臣尙

力爭千古墓門畱短碣楸梧慘淡恨難平

彭澤北郭山次壁閒韻

艤棹尋幽去憑高望眼開城根緣岫築楓葉帶霜摧
嵐翠浮空起濤聲入座來九年重過此

壬戌春月曾
侍家君遊

此歸思暮鴻催

岳陽樓和南越貢使吳時位韻

高樓一望極南天斂盡寒雲望渺然檻外有山皆畫
本人閒能醉卽神仙湖連青草層波上地近蒼梧落
照邊萬里梯航南越貢雁臣詩和雁歸前

濟洞庭

水勢吞三楚，重湖一片明。
魚龍天際出，日月浪中生。
雲破呈山色，風迴落雁聲。
徒憐舟楫在，若爲寄閒情。

沅江舟中

寒雲生遠浦，落日淡孤村。
岸曲山當水，風回葉打門。
舊遊憐梗泛，新漲識沙痕。
行過瀟湘境，歸舟又澧沅。

泊西港

龍陽

百歲浮生幾日閒，偶逢佳處便開顏。
人來黃葉碧雲外，船繫魚莊蟹舍閒。
兩岸歸漁喧晚市，一聲清磬淡秋山。
料應天意憐飄泊，聽水聽風送客還。

到家

客路常愁遠入門轉自慙一身如塞雁十月到江潭
去以名心重歸因世味諳兒童俱長大飄泊我何堪

養默山房詩藁卷五

松滋 謝元淮 默卿

鷺園集上

辛未

山居

習靜成吾嬾柴門晝不開蜂喧占日午鳥語覺春回
麥飯隨時喫山花任意栽前村溪水暖釣月晚歸來
野外

野外逢朝霽山花著處春入雲無倦鳥曝日有閒人
地僻鄰加厚年豐俗自淳此中貧亦得十載悔風塵

春日田園雜興

種得溪南數畝田，結廬還傍此溪邊。
爲臨紫陌催耕便，恰背青山得月全。
邀客夜來嘗社酒，呼童晨起放春泉。
飯牛須帶蓑衣去，多半今朝是雨天。

今年最喜是春晴，屋後荒田也去耕。
網聚魚蝦蝌蚪亂，犁翻蠓蚓鷺鶩爭。
家貧佐飯惟藜藿，村小傭工半弟兄。
暫歇還來溪畔坐，桃花紅得可憐生。

桔槔聲急日舒長，北陌南阡課撒秧。
牛背殘陽鸛鵒穩，樹頭小雨杜鵑忙。
白紫葍屋炊烟細，青綴荷池荇葉香。
饒婦提籃歸去晚，柳邊同坐話家常。

穀雨連朝灑藥畦嫩黃抽葉十分齊水盈盈處行秧
馬泥滑滑時叫竹雞山地晚晴烟草茁柳湖新漲石
橋低青青一望平疇遠打鼓栽禾聽隔溪

杜鵑

杜鵑古帝魂哀鳴亦何苦血淚漬草根甘與凡禽伍
舉首如畏人側身竄遠浦日日勸春歸春歸爾何補
獨有遠遊客他鄉愁羈旅

戒飲

一春中酒一春忙從此吟魂絕醉鄉不爲無愁方學
佛也緣多病罷飛觴緼袍易了尋常債破帽猶存麤

麝香豪氣漸除詩漸少獨醒何礙次公狂

幾日蕭齋罷午眠怡人景物各爭妍看山依舊攜茶
具遷秩從新避酒泉閒度稻畦風淡淡漫歸花徑月
娟娟鄰家釀熟如勞問切莫相尋到甕邊

已向糟邱丐此身提壺挈榼總無因老妻尙恐劉伶
詐慈母深知陶侃眞只許丹書藏二酉無勞玉醴設
三辰麴生去後交應淡多謝黃壚舊酒人

送春

閏三月

我餒東皇及此辰瘦紅肥綠暗江津淹畱正賴雙三
月話別應憐百二春芳草殘陽歸路緩落花啼鳥送

頻尋常亦自能消遣愁殺簾前拾翠人

榆錢莫是買春錢
怨蝶癡鶯總黯然
海上虛傳山不死
人閒那得月長圓
花魂乍定輕含雨
柳夢初回軟蘸烟
我惜韶華還自惜
坐愁風日誤芳年

得成慎菴少府

其謀

蘇州書二首

不在江南久回環
啟夢思尺書來澤國千里慰相知
頗道前遊地猶傳舊日詩
夜闌重秉燭忽忽漏聲遲
已輟浮名念空勞折簡招犁鋤
安我拙裘馬讓人驕
護懶常如病耽吟或過宵
遽能輕五斗吾以息吾腰

鷺園

屋後卽青山荒園依山闢種竹蔭繚垣導泉穿綺陌
竟日聽松聲終歲罕人跡四時饒花木一望盡禾麥
幽禽鳴復飛翩翩巢林隙別有天地寬曾無網羅窄
振鷺遂紛來佳樹恣選擇揉碎一天青翻颺千點白
出沒乍迴翔引朋聲格磔生鷄或兩三作陣逾千百
遂使修竹園化爲鷺鷥國我久倦風塵對之增閒適
爰作稻梁謀暫息扶搖翮聊以寄燕遊庶乎免鴟嚇
六一居士亭五柳先生宅快意卽爲佳何處非塵域
鷺無園不歡園無鷺不僻鷺來園得名園鷺兩有益
而我住其閒俯仰亦自得作詩告絲禽與汝長相惜

憎鷺

羣鷺如惡客襦袂來何速始見纔兩三漸多或五六
移家似貴官灑掃先童僕合沓數往還似言鄰可卜
幾日占園林紛紛招羽屬點雪亂翻烟銜柴競擇木
後至無可棲鬪爭時啁啄形姿旣多殊種類非一族
或小如鷓鴣紫毛蓋白腹或高如鸛鵒項背赤且禿
或矯如鷗鷖或拙如鵠鵒或如老人欬或如杜宇哭
綠腳原善翹老拳恰喜踡將集翼先翔欲飛頸屢縮
哺子聲嘈嘈歸飛翼鷓鴣風雨危巢墜鵲看匍匐
子亡母不追一歲卵再伏衆禽豈無枝可憎惟爾獨

胡不入長林又不匿窮谷據我屋後園擾我眠難熟
斯園本鳥棲憎鳥聲不淑美汝潔白姿道汝能致福
俗謂鷺所止豈知惱主人汝較鳥更酷煩擾今已甚
家恆多富壽來年幸無復怙惡倘不悛直須下令逐

鷺解

作憎鷺詩後或告子曰鷺本君家故物奈何憎之蓋先曾祖清園公時鷺曾至止較
今爲多公沒後乃去迄今五十餘年矣聞
之慨然復作此篇

諛鷺鷺不知悔鷺鷺不受爲作鷺解詩一洗從前垢

鷺言初來時君家方淳厚山南多古松舍北多高柳
和氣暖於春生意濃似酒我知氣機先爰止君宅後
呼類集園林如魚赴淵數爲君致百祥禾稼盈千畝
豈獨廣田園延齡臻耆耄敢曰鷺之功實亦相左右
何因忽見憎無端橫攻取援弓碎雪衣覆巢殺黃口
用是去園林如魚脫網笱君家適中衰羣聲相指嘖
本自君德涼而我鷺是咎迄今五十年黃童成白叟
曩者諸豪雄今皆化枯朽重歸丁令鶴不復識誰某
惟茲數頃田君家猶世守謹樸嗣家風善氣盈戶牖
所以聚族類來尋舊林阜奈何復見憎使我心慙忸

愛憎固在君一語向君剖君看城上鳥生子常八九
又看桑間鳩未雨先逐婦交頸如鴛鴦多言如鸚鵡
此豈不足憎何獨無可否我雖借枝栖未敢輕相負
羣飛有班行雙宿無亂偶君家堂前燕共我相識久
秋去春復來舛錯曾未有願君釋猜嫌祝君長富壽

午日作

四時如旋磨人似磨中蟻常笑蟻紛忙乃嘆磨行駛
去歲客江南競渡琴川水琴川有故人招我虞山裏
續命綵絲長益智筒糗美烟火西湖船絲竹東山妓
百杯飲毋辭三日醉不起自從別吳閬遂爾戀桑梓

病因斷杯鐺貧還親耒耜緬懷去年遊恍如隔生死
今夏麥有秋低鄉亦來市賣麥作端陽買酒集鄰里
飲饌未求精酣歌不厭俚對此醕啜豪頓忘俗習鄙
人生貴適意因地成泰否淡泊苟心甘好惡隨遷徙
鄰里間予言心悅口諾唯佳節不易逢暢懷良有以
八月秋禾登期君還醉此

卽事

庭院蕭閒午夢清池塘水暖杜鵑鳴日高動地連耒
響都是鄰家打麥聲

辟暑

渴日當空卓午時北窗高臥引風吹息機便是清涼
界多少熱中人未知

月下作

月與雲俱西雲速疑月退須與脫重雲人與清光對
溼螢暗草根冷露沾鶴背千里色應同一朔盈難再
感此動予懷悠然發深慨得失不相憐貴賤各異態
久安思暫遊小勞覺體快願影戀明輝徘徊不遑寐

九日登金羊山

舍南舍北倦遨遊聊復登高豁醉眸青潤稻孫三日
雨紅歸鴉舅萬山秋村烟淡漠隨風散澗水彎環抱

石流幾載天涯翹首望不曾望到此峰頭

平原秋色亦佳哉積翠浮空入酒杯巢墮千林園鷺
散風生六翮野鷹來紫萸暫把當筵插黃菊多情背
雨開遙指東籬曾醉處殘陽踏影放歌回

九月二十九日生男志喜

中歲生男喜可知况逢菊綻雁歸時乍爲人父心還
愧必大吾宗想更癡通子好娛彭澤意添丁聊和玉
川詩薄田數畝書千卷只願他年兩事宜

詠史二首

宗忠簡公

塞塵飛滿舊山河慷慨勤王獨枕戈天意有南原有
北臣心知戰不知和才兼韓岳期功遠議阻汪黃抱
憤多猶幸出師身便死金牌遺恨更如何

張魏公

退守江淮力已殫戰和無計強登壇同仇未合排忠
定制敵何當宥曲端豈是長城堪倚重可憐王業竟
偏安酈瓊叛後符離潰從此中原克復難

對雪

夜來鳥不喧晨起光透幔開門望郊野瑤華何粲粲
葢葢耀目明雜沓隨風亂寒塘凍不流景物一時換

田家逼歲除百債苦糾絆東郭履不完黔婁衣至賸
出門欲有營瑟縮顏無汗草舍溼烟微傍午未朝爨
賤子恥端居念之增悵惋掃徑獨何人笙歌恣賞玩
錯認麴生作病媒經年孤負掌中杯過江只可醒三
日對雪端須醉一回解組還山人再起尋巢隔歲鳥
重來自憐酒興如春色又逐寒香破臘開

復飲

客有誦前戒飲詩者作此答之

莫以低昂笑酒徒秋風託興比尊鱸下車偶爾師馮
婦罵座何常薄灌夫儘有雲山容我醉更無時事用

君迂前詩戒飲今詩飲一字分明未敢誣

方將壘麴築糟邱淺酌微吟得自由天上本來星號
酒人生須是醉封侯不如意處臨風遣大有閒時倩
月畱只此便堪名士目尋常疵類莫深求

壬申

月夜自河上歸

循溪識歸途水底月如鏡我行月亦行相隨入幽徑
竹枝露初濃林鳥棲未定風從遠寺來隨風度清磬
聲色兩幽絕歸人倚松聽斜月下茅檐扣門山谷應

百舌詞

春林衆鳥猶未歸百舌宛轉來相催侵曉盡情窗前
喚喚人起看羣花開一聲兩聲初斷續萬年枝上巢
鵲鴝三聲四聲漸綿蠻畫眉嘲啁啼春山撩亂千聲
復萬聲花閒燕燕語鶯鶯須臾學盡百禽語未知爾
聲雜何許爾不聞秦吉了已爲多言辭林篠又不聞
白頭翁亦矜毛羽囚樊籠爾知人意應知傲胡爲曉
曉荆棘中夫豈鳥中九譯令重譯務使衆語通爾何
不學布穀班班催農功又何不學促織札札課女紅
而乃引吭鼓舌鳴春風春風狼藉吹柳絮此時無聲
何處去殘紅剩碧滿路飛卻教杜宇呼春歸

詠物雜詩

桃花

今年人過去年門
愁對名花欲斷魂
如此韶光誰管領
試從桃葉問桃根

李花

玉樹棱棱絕點塵
宜白酒對青春無言下已成蹊
徑莫學桃花更笑人

繡毬花

花樣玲瓏片片稠
一團香雪綴枝頭
東皇儘有閒鍼線
繡出春風學打毬

杜鵑花

蜀山草碧杜鵑鳴
日日江頭送遠行
應悔催歸啼太切
月明枝上更無聲

牡丹

傾城顏色總銷魂
歐碧姚黃品自尊
我願花王常富貴
從今相看到兒孫

茉莉

一叢碎玉壓羣芳
閒看花枝笑倚牀
鮫帳夜來春不管
有人消受鬢邊香

甘棠

枝枝葉葉互低昂
翦伐經今棄道傍
誰種河陽花一縣
不畱遺愛到甘棠

臘梅

不是孤山處士家
衝寒也放一枝斜
東風切莫吹楊柳
漏洩春光是此花

辛夷

焉支淡染耀明霞
紫瓣搖風日又斜
看得園中花似筆
安排夢裏筆生花

木槿

舜華曾比美風姿
密密森森插作籬
已是遲開偏早

落可憐顏色不多時

虞美人

楚帳香魂淚血紅
虞兮歌罷舞春風
詞人漫比湘娥竹
一樣飄零恨不同

金銀花

昨日東皇作好春
滿叢黃白綻金銀
移來種向庭前看
一笑從今我不貧

蜀葵

錦水岷山不可尋
紅高一丈俯芳林
但能衛足還非智
多恐輸他向日心

雞冠花

誰復江頭唱後庭紅腴翠脰影亭亭
雞人報盡千門曉只有繁華喚不醒

迎春花

小苑輕寒露未勻開成金帶比垂紳
甘心去作梅花婢贏得嬌黃占早春

蝴蝶花

臨風嫋嫋復蘼蘼惆悵滕王入畫圖
蝶旣戀花花戀蝶是花是蝶兩模糊

牽牛花

橋成烏鵲近黃昏雨滴芳叢漬淚痕一種癡情無寄處牽牛花下望天孫

老少年

無端種出錦西風今夜明朝便不同每嘆少年容易老花間看取醉顏紅

萍

春雨模糊下遠汀隨風兩葉太飄零早知一樣無根蒂我替楊花悔化萍

木瓜

衷心酸楚意何如枕畔清香入醉餘儘有故人投贈

在可憐未得報瓊瑤

山楂

紫實離離覺耐看
含津沁齒兩眉攢
多因山裏紅無用
賣得城中一味酸

無花果

甜輸崖密軟瓊瓏
枝上纍纍映日紅
似此無花都結果
有何飄泊怨春風

佛手

合種招提古佛前
拈花如見笑欣然
自從蘆蔔香聞後
悟徹天龍一指禪

落花生

脆殼輕鬆味可誇
堆盤宜酒更宜茶
早知花落還生
子多墾荒田種落花

柏

參天未改後凋姿
勁節貞心衆所知
材大不爲當世
用也應愁詠少陵詩

檜

千尋老檜作龍紋
鐵幹青青上拂雲
誤受同名奸相
累裂身長殉岳王墳

楓

霜葉如花不減春當年恩寵冠楓宸一從謫出甘泉
後日醉斜陽伴酒人

黃楊

花石樓船照錦波曾將萬本進宣和原非拔地參天
種浪說年來厄閏多

菩提樹

非樹非臺譚不休西來諸佛也生愁老僧悟徹空無
著手把菩提種廣州

孔雀

都護空傳九德高矜奇不肯遠遊遨一生受盡文章

累猶是殷勤愛羽毛

精衛

滄波回首暗傷神
嘆息微禽太苦辛
但得西山木石盡
有時東海也生塵

鷹

凌霄斗上一千尋
瞥下平蕪掠遠林
多少鷗鵲渾不顧
卻來叢薄嚇猜禽

鵲

橋填星渡已多情
巢讓鳩居了不爭
誰似芻尼甘自苦
淩風終看起危城

鳥

曾借一枝栖上林府中城上夜深沈世間不有梟難
化誰識慈烏反哺心

鵲

啼風啼雨勸人還花落花開春自閒倦客也知歸去
好可憐無地買青山

鷗

秋鷺海上偶相從物我忘機兩意慵可惜閒鷗閒不
得誤貪三品舍人封

雞

喔噓遙聞中夜啼窗閒共語解提撕高膺峭峙休尋
鬪紀消從來養木雞

山雞

春暖風高漫遠翔山樓亦自有文章曾聞舞鏡誇毛
羽楚客偏來詐鳳凰

白頭翁

綠鬢紅顏日漸非何堪身世與心違卻看小鳥渾無
賴頭白花閒未肯歸

信天翁

終朝凝立一魚無日暮歸飛片影孤翁自信天天不

信請來江上看鵝鵝

白翎

平沙萬里絕山青
枯草黃雲叫白翎
有客當年曾出塞
四條絃裏不堪聽

琵琶有白翎鵝

剗木

播鼓綠幢繞樹鳴
山頭剗剗復丁丁
千林啄盡營巢穴
翻得憐材去蠹名

十姊妹

小鳥羣飛處處隨
一家姊妹最相思
上林好去營巢便
不是昭陽殿裏時

寒號蟲

寒夜如年苦太長
哀號宛轉向東方
於今得過權須過
那有閒心傲鳳凰

獬廌

一角神羊立玉除
當時執法有誰如
昨邪觸佞分明甚
獬廌原來未讀書

馬

金勒騰驤紫陌塵
橫鞭踏徧五陵春
愛他汗血龍媒種
不換千金換美人

橐駝

言
卷三
二
曾在燕雲道上看鐸聲成陣影蹢躅卽今柳綠駝應
醉千里如何送木蘭

驢

厭嚙殘芻潤草肥四蹄雖小健於飛梅花嶺上尋行
迹昨日山人踏雪歸

兔

迷離撲朔走西東東郭阿羆狡不同營得人閒三窟
了歸來藥搗廣寒宮

鼠

睚離睽睨太張皇穿牖緣垣走復藏知爾飲河纔滿

腹莫爭餘粒鬪空倉

龍

倦伏汗泥懶躍空偶隨蝦蟹入池中一朝尺木升天
去回首風雲笑葉公

鯽

水漲平湖混太虛簪聞游泳樂清渠春來鴈過龍門
後不替人間寄素書

蟹

狂蜃無端混太空分明雄化海靈東也能噓氣成樓
閣只在須臾變滅中

龜

晝伏嘉林暖漾波還遊憲水入芳樹若畱朽骨災桑
樹曳尾泥塗自在多

鯈

日暮輕鯈逐隊嬉衝萍依藻泳清池非魚我最知魚
樂花影橫斜水面時

蟹

設斲篝燈伺水漣行來郭索響泥沙秋深儘有持螯
興醉擘團臍看菊花

河豚

蘆芽短短燕飛初
春岸楊花雪不如
美說鯪鮓值一死
終愁無信及豚魚

烏鰂

吐汁籠波未是奇
本求自晦衆先知
胸中藏墨能多少
放入吾家洗硯池

蠶

纔是春朝上簇時
三眠三起費尋思
含愁莫肖東家女
心緒纏綿比亂絲

蟾蜍

偷入月宮住幾時
時時從暗處記盈虧
一生識得姮娥

寡卻把清光照別離

蝶

飛過枝頭到水濱
午橋閒逐賣花人
不應關入莊周夢
孤負西園二月春

蜘蛛

韻事曾傳乞巧樓
風簷倒綴使人愁
宵來處處張羅網
寄語飛蟲莫誤投

蠹魚

鎖卻琅嬛作浪遊
十年我替蠹魚羞
殘編斷簡都鑽徧
識得書中一字不

蛞蝓

矢溺公然道不誣終朝逐臭樂愉愉定知糞壤丸輕
轉不信驪龍有項珠

紅梅

道是寒梅品不同胭脂薄暈倚春風料應疎冷遭時
謗改作天桃一櫟紅

綠萼梅

一段輕雲罩水涯枝頭月暗影橫斜石家嬌婢何曾
似此是仙人萼綠華

白桃花

詞卻春容暗自傷
臨風素影亂銀塘
生憎薄命隨流水
盡日無言只淡妝

白牡丹

香國開成絕世姿
繁華褪盡粉輕施
沈香醉後餘醺解
卻看溫泉出浴時

白杜鵑

妒雪欺霜白一團
不如歸去故園看
殷勤枝上三更月
花自多情影自寒

丹桂

乍驚紅粟墮秋山
絳蘂天香手自攀
曾見廣寒宮裏

種是誰折得到人間

朱鷺

落霞同度紫菱灣
識曲端宜解醉顏
立徧斜陽紅蓼
岸朱衣何似白衣閒

喜雨示耕者

旱苗如久病時雨如良藥
豈獨回枯槁兼之療民瘼
去歲值歉耗十村九蕭索
入春雨多淫二麥復無穫
秋禾儻不登生理將焉託
越隴望西疇全家事東作
良苗綠漸齊綺陌青相錯
汙邪期滿車雨賜祝時若
如何兩月來旱魃肆爲虐
高壤久生塵低窪今亦涸

米價日益昂人情漸薄削訛傳何鄉村強梁已劫掠
浮言雖無徵乍聽亦可愕日暮望雲霓搔首嘆虛郭
將母去歲同私心暗忖度昨日北風涼奇雲生岵嶸
侵晨啟戶看樹杪烟漠漠翻空白雨飛散地珍珠躍
短瀑立層簷急湍奔巨壑暴凍只須臾殘溜猶閣閣
禾黍一時長欣欣筍迸籜祈年願可隨報社酒宜酌
嗟茲甘霖沛應時如夙約雖未暢物情已堪救焦灼
繼此將復來淫霖漲壑壑慎勿生怨尤努力勤耕鑿

後喜雨

前詩爲雨喜雖喜喜未深正如寂寞久乍聽空谷音

謂雨將繼至慰我飢渴心炎風十日旱苗枯仍欲斷
含愁語農人農人笑且瞋謂君曾作吏君何不解事
萬事須成功始可鳴得意小雨君已歡小旱君復嘆
君心自狹隘何以測高寒我始憂煩燠聞之增愧慙
仰首視長天火雲相追逐入夜風蕭蕭雨來聲如潮
起坐欹枕聽百慮一時消但覺雨師忙抱甕空中澆
又疑銀河決駭浪下層霄雨勢急難住從朝復至暮
直數日夜昏未洩蛟龍怒披蓑望湖濱風吹水鱗鱗
紫陌流新漲綠楊失舊津渴苗渴已久得雨如得酒
芄芃滿東皋青青映南畝往告農人曰於今可喜否

農曰姑徐徐且待秋收後

穫稻

種稻須除草除草使稻繁穫稻須畱根畱根發稻孫
腰鎌度阡陌黃雲隴上屯但取田稼畢不計晨與昏
餉饁來婦子負擔雜弟昆小兒拾遺穗大兒收壺飧
辛勤日既夕濁酒開新樽舉杯相勞苦斜月挂西村

晚步

樹影浴澄淥鳴蟬競夕陽一蟬聲忽歇驚我如螳螂
披襟對秋宇萬里天蒼蒼

柿葉

佳暑散疎林秋色在柿葉槭槭辭高枝飄飄墮林樾
感茲得秋先羣芳旣屢歇西風吹亂紅翩翩誤雙蝶

答友人論詩

氣吞滄海小蓬瀛
峇風雲筆下生
鼇負三山安地
軸石成五色補天傾
美人當戶春開鏡
大將防邊夜
徙營如此襟懷
淩月露等閒萬里可橫行

爭奇鬪警力求工
奇警端非字句中
何礙子房如好
女可知樊噲愧英雄
池邊跛鼈方愁雨
海上飛仙卻
御風萬仞岡頭
千里目乾坤一氣俯鴻蒙

比興紛陳變雅音
纏綿悱惻感人深
三秋客子還家

夢萬里孤臣去國心邊馬塞鴻思遠道斷猿啼駛動
哀吟到處詩難僞應識成連海上琴

一墮紅塵自拔難新聲悅耳莫輕彈爭將艷冶題金
粉或借溫柔詠杜蘭愛聽鶯啼三月暮焉知鶴唳九
皋寒丈夫畢竟羞兒女肯使邪魔繞筆端

吟罷

吟罷常愁和者稀苦心徒取後來譏文章半以功名
重千古傳人幾布衣

用子美晦日尋崔戢李封韻贈鄒松南秀才

世章

兼示鄒曉園表弟

承達

寂寞得良朋有如寒得裘春風領快論漸覺僵體柔
去歲客古郢遇君龍山頭爾時心竊許款曲恨無由
願我疎狂性氣壯骨非侯鴻鵠志雖遠終非鸞鳳儔
昨來偶相訪信宿爲君畱話言有真趣忠恕無苛求
虛懷同朗月皎潔不須修夜深情未倦餘論及賡酬
豈能免騷屑撫世多窮愁秋聲忽在樹未知月落不
喜君得妙悟因君秉燭遊吾弟亦澹蕩討論心休休
苦爲科名累轉成斯文憂升堂由也在入室當除謀
幸得列絳帳行當騰皇州吾意久蕭瑟許身愧清流
出山泉水濁一濁難再收感君師弟意重惜此生浮

贈徐丈

正懷

嬾作江南夢歸來守故園
卻逢青眼看能使素心存
下榻追徐穉投梭戒謝鯤
平生知己感未肯向人論

二

尚憶沙津市浮圖最上頭
兩人同密語一處話離愁
乙丑仲夏淮有都門之行偕登沙
市浮圖頂共話生平語甚切摯
事已十平
年隔身
經萬里遊今宵重對酒惆悵鬢如秋

默山房詩藁卷六

松滋 謝元淮 默卿

鷺園集

下

癸酉

上屋後山小憩松下

在山不覺幽爲有山前屋踏莎入松林小立散春目
暖氣融輕寒殘陽戀修竹此日足可惜此境頗幽獨
願謝山中人負喧勿獻曝

嘲酒

狂藥足腐腸荒源實伐德願此清淨身一飲遽難測

乍以融心神漸覺快胸臆一觴復一觴竟入沈酣域
四體若或牽五官失所職坐立多周旋紛譁變謹飭
灌夫闕座閒畢卓眠甕側凡諸愆與尤皆汝酒之慝
布惟民所衣穀惟民所食此外百物多資生各有得
惟酒汝何功廣壤稻粱稷是宜屏杯鎗有若避水厄
蒔氏黜周官秫田絕種植庶使歡醕徒永解甘鴆惑

酒答

古人慎所好一一得其平醉鄉原廣大糟邱自經營
只聞金罍恥未見玉山傾今人縱嗜欲萬事求滿盈
蹄涔易盈涸淆濁澄不清凡物亢則害匪酒獨戕生

謂醉不因酒未飲心常清謂酒能致舌在甕何無聲
醒非酒所惡醉非酒所榮沈湎而使酒人情非酒情

節飲

不飲渴難消過飲病愁弱節飲其庶乎杯以十爲約
昨發綠蟻醅獨傾鷓鴣杓一杯興初萌一杯胸漸拓
一杯驅窮愁一杯引笑樂繼復進六杯酣酣到腰腳
如鷃搏長風如魚縱大壑如春光蕩駘如雨澤時若
旣足助吟懷亦不廢酬酢書作酒人箴迷津建瓴杓

挽雷烹石先生

贊震

敲窗風雨送愁聲此日驚聞喪老成八十二年渾似

夢何堪回首憶平生

卒於正月晦
日時正風雨

憐才若命惜才難一字須求一字安有客當時慙說
項山邛零落淚空彈

東風寒食慘啼鶯黃土淒涼淚獨傾從此斜陽芳草
地舉頭北望不勝情

墓在舍北
數百步外

壽內三十

女蘿松柏托根堅共守清貧已十年出汲少君惟抱
蠶辭家平子不歸田未分梨栗憐兒幼久任蘋蘩賴
汝賢今日相看俱老大一杯爲壽暮春天

和裴月波寄懷二首

屈指三年別相思契闊深書來歸雁足遠見故人心
路隔迢迢水詩敲字字金細看情轉切反覆費沈吟
謝眺空能詠裴航未遇仙白衣猶自困青眼欲誰憐
別後書難達宵來夢易牽還愁思客淚流不到君前

十五夜月

良夜逢三五幽人獨未眠平生多缺事愁對月華圓

戲題醉八仙圖

四首存一

酡顏薄暈羽衣單誰寫仙真作畫看有婦人焉居末
坐可知天上亦才難

三十賤辰述懷十六首

伏處田園萬慮空輕塵弱草恨相同誰憐馬齒還加
長自信蟲雕尙未工爲客昔常三歲別計年今已一
星終何堪往事重回首屈指韶華類轉蓬

最憶輕裝作遠遊春風吹上木蘭舟未來河朔悲歌
地先入江南舞曲樓邀笛步前尋舊侶賣花聲裏過
揚州關山取次登臨徧不到

神京不肯休

不信浮生易輾軻黃金臺下幾經過盧溝曉度嚴關
壯海淀

宸遊淑氣和三五夜明看月早

九重天近受春多始知浩蕩乾坤大日下歸來醉嘯歌

北去南歸歲月遷客途裘馬興翩翩過江王謝皆名士入洛機雲正妙年久住長安忘米價重經太學檢韋編天涯兄弟同惆悵一樣飄零各自憐

又聽天南雁叫哀離思和夢落蘇臺千言易下徐陳筆三語終非屈宋才敢恥卑官輕簿尉惟愁曠職愧輿僮從茲風骨渾無用親見陶潛屈膝來

風景江南得自閒吳宮花草舊爛熳從無野港無橋渡但有人家有水環真好臥遊時買艇每緣行役徧

看山三年不作還家夢夢繫靈巖虎阜間

翹首黔西怯問途帑金十萬遠將輪客心乍喜還家
便別意終愁去路迂馬踏邛山青峯崒猿啼箐雨碧
模糊生平自信風塵慣卻望江南唱鷓鴣

驛路秋風雁正飛扁舟寄出亂山圍長征已倦難成
夢小住爲佳不算歸浪迹都教心力盡浮生更與世
情違多年誤受虛名累閒殺溪邊舊釣磯

草草離憂太易萌無端又逐柳條生早拚歧路躊躇
別難慰高堂倚望情桂檝遙通金口渡

在湖北大蒲
軍山前

帆直下石頭城江南最好春三月裝點韶光待我評

微官初喜任蘭陵
府檄傳來捧亦曾
酒國原堪容醉尉
閒曹定不礙聾丞
縱非寶劍千金值
尚有鉛刀一割能
課最久憐同輩在
偏傳梅福獨飛昇

久住黃鶯聽語嬌
艤舟亭下餞歸橈
及瓜有待辭匏繫
折柳無情看絮飄
只可飯牛隨甯戚
未能畱犢比時苗
輕裝不帶陽春去
好發甘棠給採樵

重來鶴市轉淒涼
潦倒金亭罷舉觴
興與寄西風鱸膾
切庭稀舊雨雀羅
張江干送客憐秋
草渡口歸人趁夜
航交道宦情同冷
落迷離烟水獨還
鄉

一臥邛山歲月深
村童野老互招尋
籬邊曝日支頤

坐石上攤書擁鼻吟獵酒未除名士習談錢聊慰俗
人心卻因疎懶遭時謗也擬殷勤惜寸陰

三時作苦說田家有客棲遲感歲華月夜閒行經隴
畝春陰小立問桑麻未能免俗惟栽竹猶尙多情是
養花此處大佳難徧舉只論村酒不須賒

惆悵靈均初度時傷心往事細尋思一身易老前休
問三十猶貧後可知每遇凶年偏善飯多因醉日始
吟詩補牢深悔亡羊早再莫倉皇向路歧

買鄰同往水雲村孝友須教薄俗敦南國早春榮棣
萼北堂長日暖椿萱年饑讓棗方憐子親老含飴更

抱孫何必勞勞營斗祿一家團聚亦

天恩

讀史雜詠

趙高馬

鹿何來丹墀下左右請看丞相馬丞相誤耶君誤也
馬眞馬鹿非鹿鹿已走中原楚漢方爭逐

漂母飯

漂母來飯王孫飢王孫之飢漂母知千金報恩未足
奇奇識王孫落魄時一飯遽有千金值千金難酬一
飯德君不見沛公家有鏐釜聲陳平不免食糠覈

田橫客

橫來大者王橫與二客來洛陽橫去不復歸橫客聞之淚沾衣南面那堪北面恥五百人甘同日死報恩深是受恩深五百人心爲一心噫嘻乎漢家亦有臣如虎獨傳紀信曾誑楚其餘多聚沙中語

吳鄧錢

莫作豫章嚴道銅山銅不福吳王殺鄧通當時鑄錢豈不富卒之通也餓殍溲也殞厥躬銅山銅山烏可久天子不能私諸侯不能守君不見吳鄧銅山一夕崩卻讓劉寵一錢傳不朽

軍細柳

天子警蹕來相勞軍中不聞天子詔介冑長掛成禮
去左右皆驚天子笑嗟乎此眞將軍矣霸上棘門兒
戲爾鞅鞅獨非少主臣七國破後將軍死

蘇武節

凍不折牧羝節飢可嚙穹廬雪邊雪豈不寒漢臣心
獨熱丁年奉使白頭歸秋風塞雁忽南飛降將遙指
淚沾衣十九年前到此稀

輪臺悔

輪臺悔悔何遲天下疲弊老方知輪臺悔悔猶早收

諸桑榆遲亦好君不見宋宣和唐天寶一悔五國城
一悔蜀山道

周公圖

漢家天子方幼沖將軍受詔作周公周公負展漢道
隆昌邑荒淫火德冷周公改圖作伊尹廢君置君如
轉綆將軍之功誰可匹竟使伊周合而一所惜不學
無經術

朱雲檻

朱雲請斬佞臣頭佞臣頸上風颼颼頭雖未斷魂已
遊朱雲攀折殿中檻檻折能破佞臣膽天子畱旌直

臣敢不斬佞臣旌直臣直臣從此戒輕身所以新
纂漢日誦功德者四十八萬七千五百七十有二人

嚴陵釣

披我羊裘釣彼澤濱澤水清淺俯察潛鱗名不可隱
身不可臣士各有志歸耕富春故人天子公斯強起
天子故人公則逝矣咄咄子陵不可助理千古高風
巢父洗耳

銘燕山

但可出玉門關不可銘燕然山燕山銘勒卒死黨玉
關人老猶生還手中筆宜早投熱中官宜早休君不

見班氏兄弟才俱優投筆乃封侯執筆終見收

登龍門

一龍登龍門下顧羣龍喜荀氏八龍慈明稱無雙還
家欣欣誇御李虛聲竟何爲黨禍從此起獨有絕迹
梁碭申屠蟠因樹爲屋不與龍門比

范孟博

登車攬轡志澄清殺身終齊李杜名督郵勿泣縣令
且勿驚以罪累人生不如無生嗟乎孟博眞君子何
如張儉望門卻投止竟使孔褒一門爭爲死

座中歎

忠能與中官忤孝能使冤馴墓不能當董卓之一怒
琴能悟捕蟬心桐能識爨下音不能知座中之歎爲
罪深朝發座中歎暮送獄中死只可刊石經不容續
漢史亂世多才反禍身令人追憶揚子雲

畏蜀虎

畏蜀如虎不敢撓虎怒但幸虎早死食少事煩勞軍
伍丞相本臥龍虎變亦其偶臥龍如虎馬如狗楊儀
反旆司馬奔虎死狗生狗猶走

引羊車

羊車來千門萬戶一時開羊兮不來令人猜羊車去

羊車今宵去何處教人空灑門前路羊車何遲遲竹
葉何垂垂不怨車中人但怨駕車之羊迷所歸羊車
遊羊車戲深夜沈沈天方醉九重羊車樂宮中五胡
戎馬生郊內

華亭鶴

八王迭樹兵首鼠方自疑二陸闖逆順褰裳就汙池
一朝被讒謗身死名亦虧空憶華亭鶴秋月冷淒其
朝飲三江水暮啄南山芝孤鳴子不和志士心苦悲
獨有思鱸人逍遙隨所之

燕巢林

燕歸來燕何宿但見去年林不見去年屋燕營巢巢
春木春木亦無多劫火燒盡見平陸燕歸來燕相啄
呢呢喃喃莫追逐月冷風淒樹影稀夜半愁聽冤鬼
哭

甲戌

上元立春

把酒開襟最得宜迎新恰好看燈期良宵許弛金吾
禁淑氣無煩玉律吹春爲遲添雙二月新歲閏花因
暖放兩三枝傳柑未了辛盤進人醉東風鬢欲絲

喜得鄭西峯蘇州書復疊和裴月波寄懷韻

傳到蘇州信開緘思轉深憐將溫暖語慰此寂寥心
遠隔三千路珍同一萬金淞箋何太短燈下幾回吟
吳市尋梅隱南昌竟未仙窮通知有定生死亦堪憐
書知葉丹崖被劫獲遺田魯山已奄逝舊友皆星散叢愁若緒牽何當
重把酒一笑醉花前

花朝日驚蟄雷雪

春半還飛雪長空更殷雷雷原催蟄啟雪不放花開
撲蝶虛佳會遺蝗弭旱災獻生猶待閏今歲閏二月重把
祝芳杯

癸子常生甫二齡能識翰墨芳菲等百餘字

喜而有作

我幼誇聰慧，髫年解詠詩。迄今成老大，終歲苦棲遲。
翰墨空盈座，芳菲已過時。讀書雖自誤，未免望吾兒。

春分日雪珠

俗呼霰雪
爲雪珠

寒疑花事晚，春與雪平分。碎影同珠散，圓聲隔瓦聞。
共知天補臘，眞覺凍連雲。歲饑徒高臥，鮫淚亦紛紛。
餘荒嘆

初荒若病初，支撐猶可強。餘荒若病餘，百骸增痛癢。
精力旣衰竭，虛神方恹恍。何堪風露侵，重使失調養。
對此饑饉餘，慘焉怯冥想。

冥想去年時旱澇迭爲虐四月麥少收八月禾無穫
况乃一冬旱枯槁到藜藿秋水復騰災魚龍戲村郭
流氓愁失所展轉隨飄泊

飄泊欲何依流亡實可悲行乞來高壤十室九扃扉
借問室中人飢驅方未歸日暮犬聲急囊膈炊烟微
雖異首陽士聊採西山薇

採薇西山陰天寒薇根折全活得幾時遠愁春冰結
春風日夜吹春水朝昏咽嘆息飢客腸不如春鳥舌
鳥舌有時反飢腸無時輟

飢腸無時輟飢愁無時已家儲旣屢空奇荒適萃此

書亡鰥怨興有若樂孺子流離入今年半爲春寒死
死者且勿論生者將焉企

企望復何有搜刮盡瓊缶昨聞父鬻兒今見夫賣婦
婦兒一時別淚下各如瀾哭聲上重霄人憐天獨否
悠悠竟何心仰問空翹首

翹首立巖阿極目慘關河爲愁來日難轉怨來日多
青青一尺麥短短一寸禾急難不可恃幽憂常輒軻
安得啼飢聲化爲康衢歌

秋夜感懷過支

茫茫野立獨愁生落木悲時歸雁鳴涼透薄衣侵露

冷翠分叢竹度風清霜如月淡秋如夢客似雲閒水
似情慷慨空思追往事腸迴九折憶生平

秋望迴文

歸送愁聲一雁孤晚遊閒客謝馳驅衣粘翠雨侵苔
蘚岸語秋風戰荻蘆飛鳥白從雲裏望遠山青接水
邊無圍成碧樹環檐出稀葉凋霜隕井梧

荆門道中

望望荆門道迴環馬首瞻秋隨霜葉積愁逐客心添
地靜松傳籟山凹塔露尖遙知城已近落日鼓笳嚴
宜城縣夜雨

暮宿宜城縣連宵臥未安
雨聲敲夢破夜氣逼燈寒
客路踰千里愁思遠萬端
何當生健翮一舉任扶搏

伏龍閣

新野

抱膝吟梁甫南陽獨臥高
委懷方管樂投袂蔑孫曹
魚水君臣契風雲戰伐勞
我來逢日落駐馬薦芳醪

葉縣懷古

短碣殘陽外披苔認舊蹤
待飛王子鳥莫好葉公龍
免胄平荆亂乘鳧聽漢鐘
千秋兩賢尹景仰欲何從

東里國大夫祠

朱曲

東里畱遺愛春秋有惠人
潤解能事大修德解交鄰

編紵投吳使衣冠誨鄭民停驂無以獻落日下烟津

渡黃河

關陽

三日蘭陽縣昏昏水霧陰激衝河道改疏鑿禹功深
忍作斯民患常勞

聖主心濁源如可塞一爲泛槎尋

魯仲連臺

東昌

徙倚圍城內遨遊信一身英名高戰國義氣折狂秦
恥挾縱橫術斯爲淡蕩人崇臺登眺晚擾擾暗征塵

永定河履冰

固安

十日霜風烈寒流不敢波踏冰來石岸騎馬渡銀河

從家大人遊赭山 燕湖

一嶂畱殘照登臨識赭山赤城霞欲起丹穴鳳應還
梵宇虛無際人烟指顧閒從遊忘旅泊歸路繞江關

抵姑蘇

楚客曾遊地吳王尚有臺一推篷格望無數好山來
帆向橋頭落花迎渡口開從今難寄傲依舊抗塵埃

醉歌簡座中諸子 并引

暑雨初晴同人雅集各展所長共消永晝

於時鄭西峯 祖經 工奕梁濟川 顯德 能飲

曹頡雲 鈐 周子誠 大淳 俱能琴善畫蔡夢

吾

汝弼

最後至書法尤精余無所長愧與

斯會聊成短歌以志一時之勝云

六月八日雨初晴薰風祛熱天宇清相過消閒兼消暑一時雅集何英英諸君曠懷若皎日使我葵藿心同傾懷奇蘊古各有好匪徒能好尤能精將軍曹霸丹青手七絃解作松風鳴一彈再鼓宮商變橫秋塞雁湖沙平座中周郎最識曲曲終不顧惟凝神康成有癖誇坐隱兀然無語看楸枰遊絲裊空風定絮時聞落子聲丁丁廡下伯鸞更磊落銜杯一笑颺風生纖詞綺語不肯道有時得句人皆驚中郎書法悟

白後至人爭倒舄迎蛟龍盤拏鎖紐壯筆力欲過顏
真卿僕也鮮能亦鮮好半生悠忽無一成蓮社舊已
擯康樂青山誰復知宣城學奕往往志鴻鵠得琴無
絃安有聲空愛王宰畫水石還如水部禁杯鐙意氣
邇來愈積憤抗走俗狀趨風塵今日何緣集衆妙遊
戲已足移人情或志高山或流水枕石便可濯塵纓
一斗亦醉一石醉玉卮無當金疊盈人生得失均有
定快意急與流光爭開襟納爽滌煩慮過此鄙吝愁
復萌抽毫作詩簡同調踏月歸去參已橫

舟過虞山追悼陳月浬茂才

增

兼感黃仲郇

大令鵲

遙望虞山擁翠微
西風回首淚沾衣
才人一去悲朝露
酒客重來弔落暉
玉樹凋零春易散
瓊樓寂寞夢全非
分明記得當時別
小艇搖波送我歸

叔度丰標迥出塵
與君夙昔最相親
孔融好客終非福
潘岳多才竟殞身
萬里黔山歸夢遠
一棺蕭寺旅魂新
秋來灑盡胥江淚
潦倒何時報故人

送家大人歸里

八月十一日

總爲兒孫累
空將歲月磨
可憐垂老日
猶自涉風波
菽水承歡少
星霜入鬢多
茫茫歸路遠
涕淚滿關河

二

善病憂慈母輕離悔客兒迎將猶未遂去住總堪悲
旅寓慙烏養歸途託雁隨低徊帆漸遠愁煞野風吹
琴川重悼黃仲郛

九皋有仙禽遠舉隨飄風遨遊霄漢表棲止惟長松
垂翼一踰蹬毛羽何矍矍孤鳴子不和竟死虞羅中
傷哉華亭唳月明霜滿空

九日登寶山城望海

西風激浪沙石走吳淞江上作重九蕭條傳舍小於
船寂寞荒城大如斗楚南孤客愁復愁心隨落葉常

悲秋步上城東望城北惟見海水連天浮海水亦何
心洪濤鼓蕩羶十洲魚龍百怪競出沒萬國羅列如
浮漚鮫人泉客居水底三山只許仙人遊上有長春
不夜之紫府下有鸞歌鳳舞之丹邱秦皇漢武不能
到妄遣方士頻追求童男艸女去不返萬古想望徒
悠悠我聞四海本一海環繞大地浸圓毯又聞天形
如卵殼乾坤包裹中外周未知天外天盡處更有何
物紛相摻若云元氣空洞了無物勢將散漫誰爲收
若云層層因依互表裏茫無盡境何時休此理荒渺
究莫測天道悠遠難窮搜人間萬事安有極何勞遠

引燈煙夢風烟瀕洞多變幻蜃氣漸欲迷高樓望中
彷彿辨帆影估人重利輕橫流長空嘹唳叫旅雁一
羣已過城南頭雲路徘徊不忍去忘機似欲隨沙鷗
客心對此轉悵悵荆襄回首歸無由是日天風吹雲
黑是時海水忽墨色震地飛潮撲面來手折黃花簪
不得毋乃海若相揶揄憐我多愁解我惑吁嗟乎男
兒本是可憐蟲世閒安有無愁國

贈寶山廣文章犀臺

天育

海內文章舊有名相逢頓使宿心傾熱腸曾不因官
冷奇氣偏能與物平問字人稱詩弟子銜杯客就醉

先生青瑣莫道全無用坐許窮經擁百城
瀕海風烟白日昏荒城寂寞小於村講堂下榻時畱
客餐舍橫經夜課孫著述雄才齊虎觀品題聲價重
龍門怪來文思如波湧胸有雲夢八九吞

遊崑山

入城不見山登山覺城小未知山林幽安知城市擾
偶作玉峯遊朝烟散晴昊石徑何盤盤躡屐肆幽討
古寺壓山巔浮圖摩雲表原田萬井連河水一帶繞
蒼松森寒姿嚴霜殺宿草堅脆性本異焉得長相保
嗟予久行役有若蟲甘蓼心已不能暇況復暇時少

氣折常轍軻才疎畏機巧坐聞鐘聲音冥默傷懷抱

圓通寺景鐘

嘉定

風雨暗礪城小住招提境戊夜聞鐘聲頓教塵夢醒
孤衾寒似鐵斗室生虛靜一叩復一鳴起坐心自省
半世徒茫茫百年只俄頃何事勞形骸不令暫息影
天曙雞知晨露寒鶴知警吾意獨蹉跎愁兼更漏永

飯時作

我本田家子藜藿願易了如何羅羞珍對案反不飽
高堂有二親白髮垂衰老板輿奉養遲菽水承歡少
念之摧心肝下箸愁先繞我父同我來側身歸復早

風惡江水深書稀鴻雁杳願得到家日容顏如舊好
慈親病素多藥裏需疆棗當此苦寒天或恐失暄煖
莫爲遊子悲茫茫思遠道我生何坎軻寂寞形枯槁
安能恣哺歔沈酣飽香稻卻羨反哺鴉鳴聲樂林表

擬行路難簡周保緒進士

齊

我欲登泰岱遙望齊魯閒荆棘梗道路巉巖不可攀
我欲遊衡岳蒼梧何連綿洞庭木葉脫白日慘愁顏
我欲行隴坂霜月暗秦關嚴寒汨殺氣瀕洞昏風烟
我欲邀幽薊河水鳴濺濺塞外秋草短瀚海冰雪堅
東南旣靡騁西北多險難茫茫寰宇中蹙蹙何由還

關山嗟修阻江海足波瀾短狐工伺伏鯨浪沈三山
顧此輕賤軀何足餌窮泉欲行車無軌欲渡河無船
夔魑狙我後豺虎豪我前置身困荆榛踣踣慙高天
已矣勿重陳行路自古難

丙子

落花篇簡田若谷大令

鈞

獨鳥啼空庭風葉動稠碧捲簾人已杳微雨日將夕
落英忽感風亂紅沒行迹王孫去不歸印泥香生屐
翩翩雙燕子銜入誰家宅

嘉禽弄好音不爲悅人翔嘉樹放奇花不解因人芳

微風引初馥蜂蝶同時忙一枝動清興四壁生輝光
今日雖凋謝盛衰亦其常奈何輕棄置不復念餘香
草木有真性卽事多慨慷

送別醒蕉

白日高春下孤雲不可留因君來別意動我去鄉愁
老驥非甘櫪飢鷹未脫鞲何堪風浪裏飄泊任輕舟

汪梅村宜之挽詞

畫舫羣觀渡胥江競水嬉未知泉路近猶與故人期
白一誰共黃齏舊所遺數日前以鹽齏見饋期苦
觀龍舟竟以是日卒

憐生計拙橐筆夜歸遲

聞爾學奕棋墅詔東山輸聞爾喜杯杓春衣質酒麴
凡茲爾夙好所好甚非迂良木天斧斤壽在不材樗
作善反得禍毋乃天道誣合肥道千里近得爾父書
痛爾終異地首丘不如狐傷爾未終養反哺不如烏
羈魂歸路絕夢境愁模糊月冷雁鴻過風酸草木蕪
爾有親弟兄日夜望歸艫當爾垂死日聚飲方歡呼
骨肉不相見悲歡竟殊途問切心轉痛迹淹淚欲枯
身爲鬻宮吏行止多牽拘仰視翩翩燕猶得將其鵠
八月當自至一舸泛江湖父來奔子喪我聞心煩忤
前遊東郭外旅瘞徧郊郭殘骸暴榛莽敗櫬穴鼯鼯

彼生豈不重衛攝全髮膚一朝委霜露貴賤同歸無
今爾雖不壽行且還山嵎死亡誰得免暴棄爾無虞
鬼趣勝世累自昔聞擲掄浮生牽傀儡碌碌杳愁子
哀爾傾樽酒弔爾置束芻爾魂應非遠殯館慘楸梧

月夜

良夜良如此幽人閒復閒開牕延皓月月在雙梧閒
清景偶相值好風時一還澄心契幽寂獨酌成微酣
片雲忽如舟蕩漾隨風帆載我棲遲意遠渡南荆南
荆南不可極崕帆多秋山

擬古

黃鵠志千里矯翼東南飛雲程入霄漢矰繳將安施
奈何遭踰躑踰翔集汙池毛羽一凋鍛躑躑常苦飢
終朝飽蛙黾所得誠細微鵠雖爭腐鼠宜爲鴟鴞嗤
鴟鴞且勿嗤扶搏亦有時秋風健雙翮摩天誰復知

同醒蕉至香幽港掃汪梅村墓

死別吞聲痛未休可堪零落弔荒丘寒鴉聚處衰林
淡野艇搖來小港幽挂劍有朋同季札懸衣無婦諡
黔婁相將立徧斜陽路如此溪山助我愁

曾共金亭臥酒壚憐君狹路解相扶十年舊雨情難
盡幾月新阡草已蕪荷荷慈親傷日暮煢煢弱女痛

星孤一抔黃土全家在

婦子繼亡一女僅存

雲樹蒼涼晝欲晡

答韋君繡茂才

光徽

餘生值輶軻萬念空如掃獨有文字因牽縈未能了
何意見韋郎使我復傾倒新詩高數寸奇氣凌八表
海水忽羣飛芙蓉插晴昊嗟予才力薄苦吟蟲甘蓼
鴻鵠高摩天始憐蜩鷲小感贈求友篇黯然傷懷抱

題史研卿秀才

兆凝

載書圖

煙波深處理歸裝萬軸牙籤載滿航海上山青萊子

國廳前草綠鄭公鄉

研卿家高密之鄭公鄉

貧餘健筆供揮灑

先有試筆圖

富有奇書好秘藏從此月明秋水白聽君高

詠入滄浪

畱別胡十一在軒

廷璣

兼寄十二潤峯

白日蒼涼甚寒雲凍不流寸心如逝水千里泛歸舟
底事難爲別因君復小畱浮蹤飄泊慣怊悵鬢成秋

二

令弟才名久頻年契闊深昨來同笑語重此有知音
酒憶披風醉詩曾踏月尋練川成獨往繫我暮愁深
畱別醒齋

頻年蹤跡囿塵埃塊磊難消濁酒杯白首漸憐詞客
老青山同哭故人來雲烟屢幻身猶梗霜雪重經念

已灰遙指楚江天外闊風波如此片帆開